

官箴書集成編纂委員會編


黃山書社

官箴書集成

第一〇冊

責任編輯：趙國華

ISBN 7-80630-255-7



9 787806 302552 >

官箴書集成

(全 10 冊)

官箴書集成編纂委員會編

黃山書社出版發行

(合肥市金寨路 381 號)

金壇古籍精裝印務有限公司印製

787×1092 毫米 16 開本 482.125 印張

1997 年 12 月第 1 版 1997 年 12 月第 1 次印刷

印數 1—300

ISBN 7-80630-255-7/Z · 32

定價：2880 元

官箴書集成第十冊目次

樊山政書二十卷

〔清〕樊增祥撰
清宣統二年金陵刊本

..... 一

陶覽公牘十二卷

〔清〕劉汝驥撰
清宣統三年安徽印刷局排印本

..... 四六一

從政瑣記一卷

〔民國〕王守恂撰
民國六年王仁安集本

..... 六二七

宦遊偶記二卷

〔民國〕陳惟彥撰
民國七年排印本

..... 六三五

將吏法言八卷

〔民國〕徐世昌撰
民國八年靜遠堂排印本

..... 六七七

樊山政

書廿卷

宣統
庚戌
金陵
排印

樊山政書自序

昔余宰渭南六年，嘗哀其公牘批判，付諸剗削，已數千部，流布人間矣。光緒己亥春，開缺以道府用，辛丑夏，遂擢秦臬，秋攝秦藩事，其自治文牘，一如爲令長時，每一批詞，挂發吏民傳寫，殆徧矣。卯以後，秦中官報，卽以吾公牘爲資料，積久手彙，多至盈尺。戊申秋，蒞江藩任，時新政繁興，公私困匱，事冗於秦者，數倍然。亦時有批荅，爲人傳誦。吾鄉李茹真大令，勸付排印，以供眾覽。乃發陳臬以後之公牘，自辛丑迄庚戌，凡十年，釐爲二十卷，名曰樊山政書。屬夏午貽編，修校讎，刪訂而付李君督匠排印。曩張文襄師最愛鄙文，每奏報至鄂，欣然披覽，時對僚屬誦之。且曰：雲門下筆有神，每言出若口，必與人異。已而曰：藩司官不爲小，而好作諧語，是其一病。感念斯言，爲之泣下。今汰其甚游戲者，而仍間存諧語，聊志吾過，且實師言也。宣統二年七月二十五日，恩施樊增祥書。

樊山政書

敘

金陵湯明林
樂珍書局印

樊山政書卷一

恩施樊增祥嘉父

批鳳翔縣武生嚴桂芳控詞 陝臬任內稟

民間無論何項生理行頭抽用錢鋪家幫行用乃閭閻通例也該武生既開酒店行頭自應收幫今雖歇業然既被控押追必係從前拖欠未清之故何得逞刁上控而且兩呈併遞一請提訊一請寬免細故固無提訊之理飾訴亦無寬免之由仰新任黃令秉公斷結無任劣生恃矜來轅曉瀆切切詞不遵式姑寬免責即仰該武生迅回鳳翔投案勿延詞發仍繳

樊山政書卷一

金陵湯明林
聚珍書局印

批華州里民局紳劉殿魁稟詞

閱稟不甚可信官車局之設係屬奏定章程原因歲歉差繁藉紓民力潼關渭南各設一局以便與省城總局通氣潼渭兩局通支東路五廳州縣之差非渭局管渭潼局管潼置臨潼二華於不顧也茲據稟稱華州兵差仍由該州里局供支車輛渭南官車局不但不管華州里局之事且將華車全打過站實屬無此情理候移會善後局飛飭渭南委員明白稟復以後東路五屬之差一體兼支協助勿少偏枯車輛各送各站隨到隨卸隨卸隨回勿得輕打過站惟官車局遇有需車較多僱覓

不及之時乃須藉本地官紳之力竭力幫僱價由局發此皆一定章程因該生等不明此意特為宣諭仰即回局妥慎辦公勿延此飭

批臨潼縣民孫世定等控詞

稟詞未免過火孫世定以從九而當鄉約其不立品可知鎮約既非馬牙縣差胡魁何能向爾等勒要馬匹爾等即居然買馬三匹輪之縣廐均屬可怪爾豈不知一次是情二次是例爾等既自開其端此時又迭控不止實屬糊塗刁妄姑仰西安府轉飭臨潼縣錄案稟奪勿延

樊山政書卷一

金陵湯明林
聚珍書局印

批發遣人犯李從模呈詞

此案現奉撫憲批司核議查該犯非官也身為人子而為其父列款首送依律問擬發遣黑龍江當差茲於起解之時忽稱身係廕生州判請照官犯例委員護解前進在該犯之意不過欲借官犯名目為沿途逗遛詎詐錢文之計殊不知身為逆子人人得而誅之爾尚欲展平日棍徒伎倆耶仰候即日發遣安置所懇照曾任職官例派員伴送之處應不准行

批醴泉縣貢生羅經權等稟詞

胡令到醴泉任甫及半年並無更易之說該紳等何必

預爲借寇之計仰卽回家安業可也

批咸甯縣生員劉德濬控詞

此案於四月二十二日經西安府批飭咸甯縣會同辦賑委員秉公重訊何以時逾兩月未據稟覆果如劉生員所稟則陳壽昌等借賑營私法當懲究陳壽昌既係被控待勘之人著先行撤差候質添委保甲局提調陶守會同舒令於五日內將此案重訊詳確覆候察奪劉德濬向係本分生員惟自本司入都後會因訟案大爲端撫憲訓飭幾千斤革此次稟許或不至再蹈虛誣且原被近在咫尺不難立刻傳訊質究該守令等勿再因樊山政書卷一

循切切稟發仍繳

批定遠廳民蕭登清控詞

本日接兩呈皆定遠廳民何彼之好訟也稟詞支離荒誕無情無理不准

批白河縣民張肇忻控族叔張雲詞

胡說不准

批紫陽縣民馬家駿控詞

爾以紫陽縣民不遠千里來省上控而所控者無非買賣田地錢財膠葛之事輒敢指控被證九人之多其健訟拖累已可概見本應懲責押遞姑寬申飭現在興安

張太守回任在即公廉明決今之召杜爾如實有冤抑就近赴府控訴勿得來轅攀誣妄瀆干咎此飭

批定遠廳民婦李張氏控詞

爲買賣田地之故與族眾結訟不休輒欲本司提人於千里之外居心陰毒已極不准

批石泉縣民吳興武控詞

石泉縣呂令誠屬顧預然決無故縱正兇自擔四參處分之理爾父被竊賊刀戮九傷致斃原差獲犯自應帶赴縣城何以將該兇犯帶至事主家中對質兇犯到堂卽三木在前猶不吐實何以張堯成等一到爾家卽自樊山政書卷一

樊山政書

卷一

四 金陵湯明林 衆珍書局印

認竊財殺人不諱地方官遇有命案幸獲正兇惟恐其狡供避罪豈有當堂教令翻供之理呈尾謂呂令清訟冊多是具文此因本司前札飭興安府謂呂令造齋清訟冊籍荒唐敷衍爾遂援爲口實冀激本司之怒准爾呈詞爾之熟衙慣訟亦可見矣試問呂令造冊不實爾一細民從何得知不准併飭

批保甲局陶令清摺

清摺閱悉劉德濬貪詐無恥挾嫌妄控該印委僅予申飭未免過於仁厚惟案已訖結姑予查銷以後劉德濬倘再肆矯誣定行詳責不貸

批咸陽縣稟

石令假借隄工報効朦混列保儼然道員赴豫買糧言不顧行跡其行事所謂反中庸而無忌憚者也此次咸陽交代援涂故令之例預支一月夫馬工料銀二百八十餘兩實屬歷任所無以保升之生觀察而自同於革職之死知縣不惟無恥抑亦不祥此人果至監司何錢不要何事不為所請預支驛站正項一節本司衙門未據稟陳有案查交代係藩司主政驛站則本司專責石令並不關白輒敢平空列抵實屬膽大妄為著於交抵摺內先將此款刪除再同監交三面清算勿任狡賴取樊山政書卷一

金鑒書局印

巧切切仍候藩司暨糧道批示繳

批邵陽縣武生曹殿奎稟詞

語多過火捏砌顯然姑仰同州府遴委委員會同邵陽縣秉公集訊如虛照例坐誣勿稍徇縱切切詞發仍繳批葭州陳牧澤霖報得雨稟

閱稟慰悉該牧曩在天津為李悉伯夫子所激賞本司耳熟其名今茲小試牛刀不減武城弦誦惜哲人萎矣不得聞莞爾之音可勝嗟悵本司公冗未暇作函偶覽來牘奉寄數語以代面談此繳

批同官縣劉令稟

向來吾陝吏治甲於天下頃年以來漸開貪詐險刻風氣上司因吏情純實恒以寬厚待人屬吏因上司寬厚漸致肆無忌憚於是釐金委員有私雕假戳作姦犯科者候補公館有僕毆其主噤不敢發者膽大無恥官常蕩然茲據稟稱前任顧令與孫庭瑞等辦理同官賑務短發浮報請飭顧令照數持出庭瑞等歸案訊辦等語究竟賑銀賑糧是誰吞蝕並未查清如果顧令一人吞賑豈持出即能了事如庭瑞等朋分圖利則顧令一人賠繳豈不偏枯該令到任以來一再稟許前任是否無瑕戮人因公起見抑係交代挾嫌藉端報復顧令近在樊山政書卷一

金鑒書局印

省垣仰即日明白稟復聽候澈究仍候撫憲暨藩司糧道籌賑局批示繳

批三原縣六項月報清冊

本司六月初九日到任該縣近在三原於六月二十日具申猶用前署司之銜此即糊塗昏憤之一端原冊一併擲還著據實另造每月有案若干一一註冊不准遺漏一案此飭

查閱來冊四月一月上控十六案自理無三原之民竟一月不打官司乎抑因該令不能問案不屑告狀乎該令覲顏注册深堪怪異以後倘再如此率意填寫定行

詳撤不貸

再閱五月一月每五日之中必報自理一案不少不多竟印板文字此係何等劣幕所為仰即日驅逐出署免致該令受累

批客民黃鑫武呈詞

爾何時聘買天益之女為妻財禮若干何日在咸甯具控既經咸甯斷結何又歧控長安爾以崇陽客民在陝作何生理家鄉豈無好女何以在此求婚向來上控呈詞必牽控差人為聳准之計長安朱令非差役所能朦蔽者也仰即赴縣投審定有公斷此呈不准

樊山政書

卷一

七

金陵湯明林
聚珍書局印

批長安縣紳民張鍾秀等呈詞

長安縣朱令今之循吏當此年饑穀貴民命倒懸之時如果倉正吳永春等將倉糧偷賣私吞業經爾等屢控有案豈有任聽門丁書差上下其手不為追究之理此案仰長安縣迅速集訊如吳永春果有侵吞嚴追不貸如賈魚辛等捏情妄控亦即秉公究懲仍將訛斷情形據實稟復候奪詞發仍繳碑文附

批咸甯縣民謝文才呈詞

爾房屋為黃姓霸佔問官不問情由將爾責打判云房歸黃姓興利二十年改准六年令人不解天下容有霸

房不騰之佃戶斷無如此糊塗之委員既經控府改發長安審訊何必多此一控仰赴長安投案勿狡

批長安縣民孫廣智呈詞

據稱爾父同產五人二房故絕爾大伯之孫承嗣三房亦絕爾胞弟承嗣本無官司可打突於去年秋間爾表叔劉光祖忽言大房之孫不應為二房之後遂令爾四弟承嗣是爾一門吞併三門之業也此案若經本司審斷爾姪孫丁承繼二門多年所有二門產業仍歸孫丁承受爾四弟不得霸繼爾於爾大伯死後膽敢欺凌孤寡勾串混帳無恥之劉光祖改繼奪業應將爾與光祖

樊山政書

卷一

八

金陵湯明林
聚珍書局印

痛撻久枷以為貪狠喪良者戒仰長安縣查照批示事理如法枷打勿稍輕縱切切必須孫張氏及其子孫丁肯為乞恩方准放孫廣智劉光祖出押詞發仍繳

批宜君縣民辛方保等呈詞

據稱爾等貧無立錫奄奄待斃何以荒旱一年之久居然活到如今張登科等散賑不公乃闔縣疾首痛心之事何以僅爾三人出頭說話爾辛方保乃極貧之饑民何以具控到官既罰錢十六串又被差役訛錢三十串爾既有此錢何得自稱貧民爾三人當雨澤已透之時有田不耕不遠數百里來省上控其非善類可知仰即

迅速回縣補種晚秋倘再纏瀆定即押發不貸

批蒲城縣文童魏蘭華稟詞

本司幕中並不需人無從位置仰即知照

批臨潼縣印委夏朱會稟

此案綜核前後案情馮黃氏之死為馮西英父子致斃無疑此稱馮義殺媳裁誣荒謬萬狀不得以事無實證任其狡展逃刑仰臨潼縣迅即依限審解以懲兇猾馮靳氏因其夫馮西英已死二子在押覲以一控翻案既經該印委員等訊屬子虛應即撤去誣詞專鞫正案馮春彥係原控正凶又係已死馮黃氏之小功服姪案關樊山政書卷一

九金陵湯明林
聚珍書局印

批安康縣舉人鍾隆鑑呈詞

滿紙虛言意在聳准而適自彰其妄爾鍾姓欠龍姓之錢歷年清還有據嗣乃借荒拖抗債主呈控問官比追乃正理也來呈突作驚人之筆謂三月望日練役四十餘人撞門入室將爾父母及爾一並毆打受傷到案後官將爾父掌嘴收禁果有如此冤情爾何以遲延百餘日之久始來呈控訟因帳債而起而被告多至四十五人實屬荒謬萬狀不准

批咸甯縣民薛源順呈詞

欠債還錢一定之理爾不還錢自然訟不得結仰照諭局原斷迅速清還勿得瀆訟此飭

批白河縣文童彭金鰲呈詞

稟及粘單均悉本司甫離赤緊深知上控之案十訟九虛從不輕率准理獨此案查閱前後情節張令可謂荒謬萬狀矣查彭金鰲之母彭黃氏在日因金鰲多病適族弟彭貴玉妻故遺子金魁無依經黃氏認為己子貴玉旋即佔其房屋黃氏控官退嗣復經親族調處令黃氏分給租課十七石金魁帶業歸宗此光緒十四年息樊山政書卷一

十金陵湯明林
聚珍書局印

結之案也二十二年黃氏身故貴玉三次翻控節經汪胡兩令嚴批不准至張令任內派金鰲捐錢六百串已交三分之一下餘四百串抗交被押貴玉乘機圖業斗翻前案小人貪妄事理之常無足怪者獨不解張令何憑何據竟將金鰲斷為姓馬金鰲之妻斷為姓彭立將已故彭黃氏三十八歲之子逐離門戶將此家產一半歸彭貴玉承受一半充公如果彭金鰲以異姓瀆宗則十餘年前互控處息之時貴玉之祖尚在何有具稟請銷親族彭如文等何能任其瀆亂貴玉金魁何以不即時翻控是貴玉之控明因其嫂黃氏身故弱姪易欺又

窺該令正當勒捐不遂之時巧試其講張之技該令糊塗任性竟將人嫡派子孫立時斥逐祖遺家產官民平分如此斷案爭繼者欺天奪嗣問案者坐地分贓直是強盜作官良民尚有生路耶此案恐非與安府縣所能了俟即日遴委委員速赴白河縣將全案人証卷宗飛提回省聽候本司親訊判斷仍仰與安府迅飭張令將訊斷此案緣由因何令親子改姓家產充公之處詳悉稟覆候奪該房即具札稿送核勿延

批客民邵蔭棠呈詞

此案爾去年何月呈控何人何日斷令陳應鸞將舖底焚山政書

卷一

十一 金陵湯朝林
衆珍書局印

清交爾於何月何日覆控應鸞何日潛逃賈世美窺爾回籍何時具控長安長安縣何時將爾子管押來稟一味含糊未便率准着另敘明白稟詞候奪

批蒲城縣商民楊海雲呈詞

爾被惡差屈德借端訛詐私刑拷打並將爾舖內銀錢衣物擄掠一空爾不在縣具控輒來省垣瀆請提究爾獨不聞越訴咎五十乎仰即迅回蒲城縣具呈催案越訴不准

批長安縣民牛金鴻呈詞

所控是否屬實仰西安府轉飭長安縣查明該村約潘

效岳等有無弊混抑係該十三家挾嫌妄瀆現在賑務功虧一簣務令貧民終始沾恩勿任構訟爲要詞發仍繳

批咸甯縣民張智明呈詞

此案既經前兩任訊斷有案稟委員何能將張姓之業令劉姓霸買仰咸甯舒令檢查卷宗秉公親訊斷結仍將訊斷情形據實稟復勿延詞發仍繳

批鄆縣土釐傳令稟

據稟已悉胡步瑗兄弟雖有應得之咎然已罰足蔽辜劉大朋控涉虛誣足見不安本分此次姑從寬銷案以樊山政書

卷一

十二 金陵湯朝林
衆珍書局印

後倘該武舉再來混瀆嚴懲不貸此繳仍飭鄆縣李令知之

批長安縣李令弼臣稟

據稟黃良厥因糧構訟一案情形極爲明白曉暢持論亦極公平此案始於吳永春擅糶倉糧雷德彬挾嫌呈控兩造均非善類周故令斷令吳永春交卸倉事雷德彬歸還欠糧判斷亦頗平允繼而吳永春舉其姻親羅榮接充倉正雖曰接收清楚而此中弊混不問可知觀於羅榮甫充倉正即請將糧石出放得息修倉明係覲加收以補吳姓之虧借修倉以邀縣批之准周故令並

不查詢倉之應修與否糧之當放與否貿然准其出易而羅榮遂得獨斷獨行將倉糧一齊糶賣此則前後兩倉正狼狽為奸而實由於周故令之顛預無用也去冬饑饉薦臻倉空如洗吳羅之罪百喙奚辭惟雷德彬借鄉民乏食之故糾人向吳永春滋鬧託於公義實挾私嫌永春不自咎從前擅糶之非而但挾目前爭鬧之恨人不控彼彼先控人是張鍾秀等之上控實永春激之使然也此案屢經該印委等訊明將吳羅二蠹押追張鍾秀等自應遵斷息訟至於懲罰貪劣亦宜體諒人情當日出糶之價與荒年糧價懸殊羅榮錯在從前原不樊山政書卷一

十三 金陵湯明林 聚珍書局印

料凶荒至此今欲其照數買補恐置之死地亦難如願相償況衡量有一定之經何能將京斗強作市斗此則張鍾秀等之偏人太甚也來稟因張鍾秀等屢控不休懇乞交讞局訊斷殊可不必本司以一批了事查吳永春老而無恥既將官糧擅賣以為侵盜之媒復舉私親接充以為彌縫之計居心實屬狡譎惟其人已死尚復何言張鍾秀控人可也控鬼何益乎應勿庸議羅榮以頂缸之龜為盜糧之鼠誠屬罪有應得惟其子已褫衣頂其身久繫縣庭蕩產傾家惡人惡報張鍾秀等尚復蔓訟不休亦可謂無惻隱之心矣羅榮著照該令原斷

將錢交足即行釋放回村該父子永遠不准再預倉事此案經本司批結以後倘再有瀆控者定治以健訟之罪將此批牌示轅門俾眾周知此繳

批邵陽縣已革舉人秦殿鰲呈詞

爾於光緒二十三年因圖茲池銀子之妻經邳州王牧詳請斥革查閱原卷池豆氏住窩窗扇有撬落痕跡脖項有搭傷指印爾夫成連池春管和親手書立認非字據經池春証明在卷爾之淫惡橫霸僅止斥革未辦餘罪已屬便宜乃事隔五年輒敢朦朧呈懇開復實屬膽大糊塗不准併飭

樊山政書卷一

十四 金陵湯明林 聚珍書局印

批臨潼縣夏令良材渭南縣余令紹僑會稟

此案情節本司久已洞悉馮西英父子因與馮義挾嫌砍斃其媳馮黃氏嗣乃誣指馮義殺媳圖賴實屬凶狡荒唐案未成招而西英在保病斃不可謂天道無知也西英之妻馮斯氏因見其夫已死二子在押計圖免罪遞控省垣茲據該兩縣訊明西英死由於病絕無凌虐情弊應無庸議仍仰臨潼夏令速提要証馮順情等到案秉公質訊務得確情按例擬解勿延

批長安縣民張富和呈詞

張元抗納糧錢爾不在案呈催輒請本司提究實屬荒

誕糊塗不准

批長安縣民郝應貞呈詞

爾恐縣詳不實然則爾稟卽一定可信乎可謂糊塗謬妄記責百板倘再妄瀆押發不貸

批安康縣舉人鍾隆鑑呈詞

此案查閱姜倅原詳爾分居叔祖鍾世蕙欠龍天輝之錢以稞抵債絕不與爾父子相干而爾父鍾遠猷充青泥舖保長因案革退自恃爲舉人之父橫行鄉里詳稱窩賭磕詐提府訊明追贓已非一次此案以不干己之事瀆告不休而又強取世蕙抵債之稞穀填已身盜食

樊山政書

卷一

十五

金陵湯明林
聚珍書局印

之倉糧種種刁橫深堪痛恨姜倅僅子掌責可謂輕描淡寫罰不蔽辜若遇本司早將爾功名詳革將爾父笞罰枯頸以快人心矣爾父子均非善類其樂於滋事也如飛蛾之撲燈其慣於上控也如鴉片之有癮本司半月之內接爾三呈批駁復來深爲膽妄此次粘呈公呈一紙將姜倅極力痛詆而皆係無據之詞且既係公呈何僅寫張子綬一人名字是竊名聳聳誣害地方官顯而易見仰興安府提集全案人証卷宗秉公確審如該舉人控涉虛誣卽照例詳革擬辦併仰西安府轉飭兩縣查傳該舉人到案押發興安府收審勿任逃匿切切

前後三呈併發仍繳

批鎮安縣李令稟

據稟該令捐廉四百串在縣城設義學二處又由官紳共捐錢三百串設立興仁公所施捨義材俾童蒙各得師資而骸骨不至暴露意至善矣語曰惟善人能受盡言又曰春秋責備賢者本司有藥石之言爲該令告其平心聽之吾輩作官但求有濟於民不在鋪排門面來稟意在化民成俗毓秀育才題目何等重大及考其實則所謂延訂品學兼優之儒者不過本地生員兩人而已所成就之人材不過七歲至十五歲之童二十八人而

樊山政書

卷一

十六

金陵湯明林
聚珍書局印

已該縣幅幘七百里戶口當在十萬以上貧民老病而死者歲不知若干人而僅以三百串之息錢製棺歲不過數十具所施亦甚狹矣此等事盡一分心有一分效該令爲此自較庸庸尸位者爲優若必揚厲鋪張則未免好名之過蓋事本尋常應辦之事無可矜誇財爲稱心而出之財何云借墊乃曰俟籌有的款卽陸續歸還該令還不足數卽列入交代作抵等語不知此款該令如何自籌後任又如何續籌設竟籌措無方全作抵款是該令不費一錢而實受創立義塾之名後任不居其名而實受四百串虛抵之累似非君子所忍爲而亦非

後任所能受也至義學義材其捐本錢七百串發商一分五釐生息若發之窮商彼願領而我不放心若發之富商我放心而彼不願領各處商情困苦每有官款以七八釐生息猶且不願而況一分五釐乎是該令享其虛名而商民受其實害又非君子所忍爲也此事以本司斷之義學之四百串既係該令已出之財應卽作爲捐款再由紳富捐助二百串合爲六百串發商八釐生息則在該令爲實至名歸在捐戶必聞風興起在商民必樂於承領而後任必力守成規本司所言全係爲該令打算諒必不以規爲瑣也此繳

樊山政書卷一

十七 金陵湯明林聚珍書局印

批富平縣周令丕紳詳

來詳敘次極佳非尋常幕友所能西同等屬藉屍訛詐之案不一而足此案李老八卽李毓睿因其堂兄李丁柱害死美原逞刁誣控事閱三年官經三任堅以病故作爲毆斃瀆請開棺此等荒謬控呈亟應於眾証晰明以後將原告痛加刑責以儆刁誣而節經堂訊僅將李居兒答責一次李老八一無所苦轉以丁柱遺銀付之在縣令以爲寬待屍親而該民以爲畏其上控於是愈控愈刁揣知縣官決不輕易開棺乃堅以檢驗爲拖累圖訛之計該令接審此案明則明矣殊欠老辣此案三

次覆鞠之時居兒已逃匿矣宜將蔓訟越控之李老八先行交差看管押令出具無傷反坐切結如不具結立即痛打久柳方爲痛快乃計不出此竟聽李老八襲居兒故智一去無踪案則完矣試問如此健訟之刁徒拖累無數平民蔓延三載光陰而終以一逃了事始終不知刑杖爲何物世間如李老八者正不乏人何所畏而不上控乎且何以對久受拖累之一千被證乎此案准其詳銷而原告定須反坐仰卽選差幹捕嚴拿在逃之李老八李居兒務獲究辦並由本司札飭白水縣一體搜拿如共拿獲到案卽行查照省章將該二犯鎖繫鐵梃五年以爲誣訛者戒大凡善斷案者如盛暑食瓜清涼沁膈其寬緩者如病夫打狗不聞棒喝之聲徒長獨驕之氣而已該令是解人聊復發之此繳

樊山政書卷一

十八 金陵湯明林聚珍書局印

批寶雞縣楊令調元稟

據稟已悉大凡作文懼逢裏手論事怕遇行家所謂真人前道不得假話也稟牘不在說得好看須有實際江南恩方伯通飭清理監押並移各省照辦此等官樣文章見亦多矣本司生平服膺爲政在人一言會做官者有班管何害不會作官者無班管更足爲害論班管之弊者不過盡役私押勒索錢財鎖閉黑廳械繫藩溷然

使縣官勤明嚴毅此弊不禁自消須知始立班管者確爲省事起見非酷吏乃好官也土棍積竊豈能一一照例擬辦薄責釋放終於害民重責久押庶幾知悔戶婚田土錢債細故一堂了結可謂明決矣然具結下堂或應交錢或應交人或應交房交地均抗不交再控再說再結再抗終無了期一經管押莫不如期交領完事此則管押之效也來稟謂在押者不敢合過十人此等門面語可與他人言不必向本司道天下凡事無一定格式果吾民皆善良雖報獄空可矣如其民多刁劣卽押至二十人不爲多豈有永遠不過十人之理且所以被

樊山政書

卷一

十九

金陵湯明林
聚珍書局印

押者皆有罪及可惡之人其身皆有未了之事是以苦之以冀速了向來監犯有口食班管無經費凡在押者皆自備資斧冀以發其悔恨之心消其健訟之氣也來稟云茶水飯食勿令失時不知此款歸誰持出果如所云既有香潔之房櫳又有應時之茶飯凡貧困無業之民皆以不得身入班廳爲恨矣總之恩方伯之通飭乃本司所不爲該令之復稟亦本司所不取接閱此稟意有未愜援筆直書未詳其來自何縣出自何人及覆視之乃知是吾同年也擱筆一笑繳

批富平縣周令丕紳稟

據稟已悉馬文燦父子財雄一鄉僅以三百六十金助振其國麥百石應罰二成復經該令寬免於該民可謂厚矣乃延欠捐款至今猶虧百六之數當此痛定思痛之時所有已捐未交之款均須收齊以爲善後之用該民一人抗繳勢必眾戶效尤大局攸關豈能姑息仰將馬文燦傳案不但繳足三百六十金並令再出小麥二十石以作籽種既爲富翁破慳亦於貧農有益倘敢吝延責押比追勿懼其上控也

批荊州駐防迎安等呈詞

樊山政書

卷一

二十

金陵湯明林
聚珍書局印

據呈已悉此次培庫廳之從堂叔恩英恩崇來陝向其姪索銀一千四百兩有翻桌砸碗撕衣耍刀等事同鄉同寅其抱不平懇本司作主前來不得已傳喚恩英等來案訊據恩英等供同治元年早已各居另爨今因家有婚事來陝要錢等語查培令雖經借補庫廳實缺尙未到任以久經分居之族叔而向囊無一錢之堂姪逼索巨金甚至持刀相向而培令始終未向本司控訴一語爲之叔者太覺橫暴且恩英恩崇皆係荊州駐防旗兵旣未奉差又未告假無端遠涉千餘里在本司案下滋事訛人理應稟請荊州將軍銷除旗檔責遞管束姑念到案尙知悔懼從寬斷令培令持出銀二百兩俾其

速歸以後永遠不准來陝滋事恩英恩崇均已俯首遵斷本司恐其再回公寓又起衅端特令在臬司獄衙門暫住數日俟培令將銀交到即速起身免其叔姪見面愜氣此亦斷案者之苦心也茲據爾等保領前來爾等既係同鄉仰即迅催培令將二百金措齊交領俾該二人即由司獄衙門起程回荆豈不省事所請保外之處礙難准行仰即一體遵照批挂發此呈及紅諭一併存案

批郿縣民婦劉達氏呈詞

此案現據鳳翔府招解兇犯李銀柱到司尚未審轉茲

樊山政書

卷一

二十二

金陵湯明林
案珍書局印

據稟控核與縣詳大相徑庭是否該氏挾嫌報復抑縣審實有未確亟應澈底根究李銀柱著先交讞局由西安府專委程壩姜渭朱祖綬三員細心研鞫一面提集許五常傅世祥賀思恭劉澇娃到案隔別研訊期成信讞併仰鳳翔府嚴飭郿縣胡令迅緝逃兇黨大務獲解省以憑質究稟及原卷併發仍繳

批西安府傅守世煒稟

查此案前奉部駁拜霖開堂放飄計匪四十餘人逆跡昭著擬以絞候未免養癰貽患等語此次加重辦理仍遵照部示更正似不能照平日緝獲會匪審實立決之

例徑由本省處決仍應轉詳咨部核覆後再行就地正法仰即據實具詳以憑核轉勿再延宕切切此繳供摺存

批山陽縣民徐子乾呈詞

所控語涉離奇殊難憑信仰新任商州尹牧查明稟復候奪詞發仍繳

批渭南縣民焦振甲呈詞

此案本司在渭南任內以批為斷何等詳明焦聯甲何敢違斷霸繼仰余署令查照前案迅即秉公集訊斷結如聯甲定不遵斷亦即據實詳請褫革勿任延訟焦家

樊山政書

卷一

二十二

金陵湯明林
案珍書局印

所捐賑銀一萬兩已否交齊著併案催收勿遲詞發仍繳

批鎮安縣民商學英呈詞

爾以胞姪控爾長門胞伯商懷恩又代爾三胞叔懷安控其長兄一日之中懷恩迭遭胞弟胞姪惡言痛毀實只爾一人所為足徵狡譎陰險而且控情怪誕無證無憑不准

批鎮安縣民商懷安呈詞

控情荒誕萬狀爾雙目被爾長兄商懷恩挖瞎事隔十六年始令爾姪來省告狀仰爾叔姪一齊來轅聽候訊

驗如果爾兩眼實係被挖即將爾等押發商州交州牧提審如係天生瞽目或因病成瞽定將爾叔姪一併坐誣不貸

批西安府傅守世燁稟

立令能否聽訟本司未敢深信俟徐徐察之繳讞局問案與縣署尋常詞訟不同案關生死罪關出入老手高才猶或時有舛錯用人不可不慎也往年發審局有舊五鬼新五鬼之目如賀培芬焦承綽杜樹勳等皆名在鬼錄之中真讞局之恥也本司爲吏多年既於事畧有體會亦大有鑒誠是以不得不慎知我者當不怪也又樊山政書卷一

二十三 金陵湯明林 聚珍書局印

批西安府傅守世燁稟

此案李盈保與宋克明合夥生理因生意虧折與訟嗣經斷結兩造無甚深仇盈保嗣又強收克明包穀認賠未賠是盈保自己短理何能怨人怨且不可何至頓起殺機預謀刃斃且謀殺之事大半在昏夜之時與無人之地今盈保之謀殺克明竟於青天白日之中下此毒手而又爲張皮匠所見謀之不臧一至於此以情理論原詳未免荒唐茲由該府覆訊盡反原招而此間又無人質證自應發回安康縣就近覆鞫俾成信讞新任陳

令老練精詳必能得其要領候卽日發回另招解勘以免枉縱此繳

批長安縣民任益謙呈詞

家庭不睦訟屬尋常何至傳案數月一堂未過仰長安縣於五日以內集訊斷結具報勿稍延袒詞發仍繳

批渭南縣詳

史秉剛自得延長拔貢遂爾膽大妄爲曾經其世父國榮首送嗣由親友懇息本司宰渭時冀其過而能改從寬銷案今乃如此不堪亟應褫革嚴比除國榮國華兩房各應攤賑銀二百六十三兩有零已爲秉剛吞蝕應樊山政書卷一

二十四 金陵湯明林 聚珍書局印

令如數限三日內繳案外其史國富名下應交之二百六十餘金著加一倍持出以示罰緩而資積穀倘敢抗違卽予笞責不貸仍候撫督學憲暨藩司糧道批示繳批武衛中軍已革哨官陳明孝等稟詞

閱稟不無可憫該七員及劉攀龍一員共計八人擬每人每日發米一斤先發二石四斗爲一月口食在賑餘項下動用候卽日移請藩司照撥以恤饑窮以後按月支給自進監始至離監止該官犯等各宜安分守法勿稍縱恣切切

批耀州民殷灌翔呈詞